



Randi Vestergaard Evaldsen  
Inatsisartunut ilaasortaq, Demokraatit

**§ 37 naapertorlugu qarasaasiami inuinnaat naapittarfiini torersumik  
pissusilersornissaq pillugu apeqquteqaammut akissuteqaat**

08-03-2017  
Sagsnr. 2017 - 4446  
Dok. nr. 4630234

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: ikiin@nanoq.gl  
www.nanoq.gl

Asasara Randi Vestergaard Evaldsen

Apeqquteqaatinnut uannut akisassatut innersuunneqartunut qujavunga.  
Tassunga atatillugu oqaatigineqassaaq, Naalakkersuisut naalakkersuisunut  
ilaasortat ataasiakkaat suliaminnik isumaginninnerat pillugu apeqqutit  
akisannigimmatigit.

Apeqquteqaatitit ataatsimoortillugit akissuteqarfigissavakka.

***Apeqqut 1. Naalakkersuisut eqqortutut isiginerlugu Kulturimut,  
Ilinniartitaanermut, Ilisimatusarnermut Ilageeqarnermullu Naalakkersuisup  
aamma tusagassiutinut akisussaasup, taamaasillunilu aamma qarasaasiami  
inuinnaat naapittarfiinut, Facebookimi taamatut pissusilersornera?***

***Apeqqut 2. Naalakkersuisut isumaqatiginerlunga, Kulturimut,  
Ilinniartitaanermut, Ilisimatusarnermut Ilageeqarnermullu Naalakkersuisoq  
atorfini pissutigalugu qarasaasiami inuinnaat oqallittarfiani kusanartumik  
pissusilersornissamat sallersaasariaqartoq aamma Naalakkersuisut  
isumaqarpat taamatut ilanngussaqaarnermini maligassiusimasoq?***

***Apeqqut 3. Naalakkersuisut akuerisinnaanerlugu pissutsit taamaattut  
Naalakkersuisunut ilaasortamit Facebookimi saqqummiunneqarsinnaasut?***

***Apeqqut 4. Naalakkersuisut qanoq isumaqarfiaat, Naalakkersuisunut  
ilaasortap nikanarsaana partiillu isummersuutaanik isumaanillu  
Facebookimi sangutitsiniarsarinera?***

***Apeqqut 5. Naalakkersuisut ajornartorsiutitut isiginerlugu, Kulturimut,  
Ilinniartitaanermut, Ilisimatusarnermut Ilageeqarnermullu Naalakkersuisup §  
37 tunngavigalugu Inatsisartunut ilaasortap apeqqutaanut Facebookimi  
oqaaseqarnera nikanarsaanelu, naatsorsuutigisariaqarmammi***

## ***Naalackersuisup taassumarpiaap apeqqu pineqartoq akiumaaraa?***

**Akissut:** Aallaqqaasiullugu ajuusaarutigivara, Facebookkikkut saqqummiussara Demokraatit isumaannik politikkiannilluunniit paatsuinertut nakkarsaanertullu paasineqarsimappat. Tamanna siunertarinngilluinnaraluarpara.

Facebookkikkut ilanngussanni siunertarivara, Kalaallit Nunaanni ilinniakkat kalaallisut oqalulluni ingerlanneqarsinnaanissaannik, Naalackersuisut anguniagaasa isiginiarneqarnissaat. Naalackersuisut politikkiata ersersinnerata saniatigut aamma isummersornerit, Demokraatit Inatsisartunut ilaasortaata Nivi Olsenip § 37 tunngavigalugu apeqquaqataani 2017/098-imi ersittut, isummersorfigaakka. Taamaalillunga isumaqanngilanga arlaannaannilluunniit nikanarsaasimallunga imaluunniit paatsoorsimallunga.

Aammattaaq isumaqanngilanga akornutissaqartoq, uanga tamanit ilisimaneqartutut politikeritullu qarasaasiakkut oqalliffimmi kikkunnut tamanut ammasumi oqallinnermut peqataanissara toqqassagukku. Facebookkimi saqqummiussanni allaqqavoq, partiit allat tungaanniit allatut isumaqartoqarlunilu pissuseqarfiginnittoqartoq, uanga isumaqatiginngisannik. Isumaqarpungalu tamatuma saqqummiunnissaanut pisinnaatitaaffeqarlunga, soorlu Facebookkikkut saqqummiussinikkut.

Aammattaaq isumaqanngilanga § 37 tunngavigalugu apeqquaqaatit oqaaseqaateqarfigisinnaatitaanagit, apeqquaqaatit Naalackersuisunit allakkatigut akineqarnissaat sioqqullugu. § 37 tunngavigalugu apeqquaqaatit saqqummiunneqaraangamik Inatsisartullu nittartagaatigut tamanut takusassiarineqarlutik, tamanut saqqummiunneqartarput, kingusinnerusukkullu Naalackersuisunit akissutaajumaartutulli annertutigisumik oqallisigineqarsinnaallutik.

Qarasaasiakkut inuunnaat naapittarfiini – soorlu Facebookkimi – naapittarpugut, immitsinnut toqqarluta naapissinnaanngikkaangatta. Taamaammat isummersortarfiit, soorlu oqalliffik uani pineqartoq – oqallinnissamut periarfissatsialaapput. Tamanna periarfissaavoq uagut politikeritutorluarnerusariaqagarput. Innuttaasummi politikerillu akimorlugit pitsaasumik ajoqusiinngitsumillu oqallinneq, Inatsisartut Naalackersuisullu suliaannut iluaqutaavoq, taamaaliornerup sulinissarput pitsaasumik paasisaqarfiulluartumillu tunngavissittarmagu.

Inussiarnersumik inuulluaqqusilluta

  
Doris Jakobsen